



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Manuale Parochorum, De Plerisque Functionibus, &
Obligationibus, ad Parochias, Parochos & Parochianos
attinentibus**

Engel, Ludwig

Salisburgi

II. Matrimonia clandestina quando & quare invalidata.

urn:nbn:de:hbz:466:1-40922

Ad I. Quæst.

*Quo Jure polygania prohibita, & an alia
quo modo possit licere?*

Sume responsonem ex hoc Libello p. 3.
cap. 5. §. 5. Sect 9. pag. 367. & pag. 399.
An verò Deus possit dispensare, ut una uxori
pluribus viris matrimonio jungatur? negat
Bellarm. lib. 1. de matrim. c. II. Afferit Sanch.
de matrim. lib. 7. disp. 80 n. 15. Si propè sa-
cilegium est, Summi Principis potestatem in
dubium vocare, L. 3. C. de crim. sacril. quomo-
do præsumat scintilla infirmissimi intellectus
humani abyssum æternæ Sapientiae intra cer-
tos limites coarctare? qua fronte dicat crea-
tura Omnipotentissimo Creatori, figmentum
fictori virtutis & potestatis infinitæ, non potes
amplius?

Ad II. Quæst.

*Matrimonium Clandestinum quando &
quare invalidatum?*

Respondetur, ante Concilium Trid. sessio-
ne 24. quæ fuit habita sub Pio IV. Pontifici
die XI. Novemb. Anno M. D. LXIII. ad sub-
stantiam Matrimonij solum consensum mu-
tuum de præsentí abique alia solemnitate ful-
fecisse, ut ex c. is qui fidem. De sponsal. c. I. &
De Cland. desp. & plurib[us] alijs locis satis ap-
paret. Sed quia experientia docuit, ut ex præ-
senti casu abundè patet, plurimas polygamias
fuerint



fuisse commissas & matrimonia clandestina contra Jus fasque abnegata, ideo per Concilium Trid. d. S. 24. de reform. matr. c. 1. optimè constitutum est, ut nullum valeret matrimonium, cui proprius Parochus & 2. vel 3. testes non interessent. Dices, quomodo matrimonia clandestina ante Concilium Trident. valida fuisse pronunciantur, cum tamen repugnet expressus text. in c. 1. 30. q. 5. ubi pridem Evaristus Papa statuisse legitur in hæc verba: *Ali-
ter legitimum non sit conjugium, nisi ab his, qui su-
per fæminam dominationem habere videntur, &
quibus custoditur, uxor petatur, & à parentibus &
propinquioribus sponsetur, & suo tempore sacerdo-
taliter benedicatur &c.* Aliter vero præsumpta non
conjugia, sed adulteria, vel contubernia, vel stupra,
aut fornicationes esse non dubitate, nisi voluntas
propria suffragaverit, & vota succurrerint legitima.
Fateor, difficilis hic textus est, nec bene
subsistere videtur communis interpretatio,
quod non legitimum, idem sit quod illicitum,
proinde matrimonium clandestinum ex hoc
textu sit quidem illicitum, sed non invalidum.
Idque colligatur ex verbis finalibus, nisi volun-
tas propria suffragaverit &c. quomodo enim va-
lidum matrimonium est potius adulterium, forni-
catio &c. quam legitimum conjugium? Deinde
per ipsa verba finalia non patrum intricatur
textus, nam vel adest *consensus murinus*, vel non?
Si adest, tunc etiam sine enumeratis solennita-
tibus matrimonium erit legitimum: si abest, erit
nullum,

nullum, non ex defectu solennitatum, sed consensus. Ex posse sustineri communem interpretationem declarando textum in hunc sensum, ut illa verba: *Alier vero præsumpta non conjugia, sed adulteria vel contubernia &c. esse non dubitate.* non tam contineant decisionem invaliditatis matrimonij, quām vehementem præsumptionem juris contra talia matrimonia. Hæc tamen præsumptio non est juris & de jure sed juris tantum, cùm admissit probationem in contrarium c. 1. & 2. De Cland. desp. & licet Pontifex dicat: *non dubitate, attamen ista verba recte etiam de gravi præsumptione juris accipiuntur;* quamdiu enim stat præsumptio juris, non est dubium, usque dum contrarium probetur, veluti *non dubitatur,* decimas ad Parochum spectare, diaconatum esse de jurisdictione Ordinarij, quamdiu contrarium non ostenditur. Præterea eum Pontifex d. l. matrimonia clandestina etiam *contubernia* vocet, forsitan poterit adjungi alia explicatio desumpta ex c. is qui. & c. Christiano. d. 34. ubi Christiano loco uxoris *concubina* permittitur, ad quem textum ibidem subnotatur, quod *concubina* etiam olim dicebatur *auxorduta* quidem *validè*, sed *illicitè* & *clandestinè*.

In casu igitur nostro, qui contigit circa Annum Domini 1430, ideoque longè ante Concil. Trid. indubitate tenendum est, matrimonium clandestinum, quod mulier cum illo viro, à quo ob perjurium suum libera pronunciata

ciata est, contraxit, tunc temporis valuisse, & fuisse verum matrimonium.

Ad III. Quæst.

An post Trid. ex Matrimonio clandestino saltem in conscientia nascatur obligatio?

Resp. cùm Concilium Trid. contrahentes sine parocho & testibus ad sic contrahendum omnino in habiles reddat, & hujusmodi contractus irritos & nullos esse decernat, per hanc inhabilitationem & irritationem censetur ita efficaciter resistere contractui, ut omnem ejus & civilem & naturalem obligationem tollat per ea, quæ superius hæc eadem p. s. c. 1. pag. 254. dicta sunt. minimè etiam suisset obtentus finis Concilij, nimirūm evitatio periculorum ex matrimonijs clandestinis oriundorum, si obligatio, vel valor talium matrimoniorum in conscientiæ foro relatus suisset.

Utrum autem matrimonium clandestinum hodie saltem valeat in vim sponsalium de futuro, ut contrahens ab initio clandestinè, posteà publicas solennitates adhibere teneatur? videantur plurimi DD. in utramque partem relati à Barb. in collect. add. c. 1. Trid. S. 24. n. 130. & diximus aliquid in p. 3. c. 5. §. 2. n. 10. si fæmina, quæ alias juris ignorantia facilius excusat, L. cùm de indebito. ff. de probat. per contractum clandestinum decepta & deflorata vel alias jam propè extra spem alterius conjugij ob clandestinum hoc matrimonium & cohabitationem